

# საბაკალავრო პროგრამა

2006-2010 წწ.

1. პროგრამის დასახელება: ეკონომიკა – **ECONOMICS**
2. მისანიჭებელი აკადემიური ხარისხი: მეცნიერების ბაკალავრი ეკონომიკაში  
**Bachelor of Science (BSc) in Economics**
3. საბაკალავრო პროგრამის ხელმძღვანელის საკონტაქტო ინფორმაცია:

თსუ ეკონომიკისა და ბიზნესის ფაკულტეტი. თბილისი, 0128, უნივერსიტეტის ქ. 2,  
X კორპუსი, ოთახი 404 ან 603

ტელ: (+995 32) 30-40-61, 30-41-49;

მობ: 877-71-79-71

ელ.ფოსტა: [korganashvili@mail.ru](mailto:korganashvili@mail.ru),

[gorghanashvili@yahoo.com](mailto:gorghanashvili@yahoo.com)

პერსონალური WEB-გვერდი –

<http://www.lkorgan.narod.ru/>

<http://www.korganashvili.narod.ru/>

## 4. საბაკალავრო პროგრამის საკვალიფიკაციო დახასიათება

### • მიზანი და ამოცანები

პროგრამის მიზანია სტუდენტებს მისცეს თეორიული ეკონომიკური ცოდნა, შეუქმნას წარმოდგენა ეკონომიკური კვლევების თანამედროვე მეთოდებსა და მათი გამოყენების შესაძლებლობებზე, გამოუმუშავოს დინამიკურ ეკონომიკურ გარემოში პრაქტიკული მუშაობის უნარ-ჩვევები.

პროგრამის ამოცანებში შედის სტუდენტისათვის სწავლების ისეთი პროცესის ორგანიზება, რომელიც უზრუნველყოფს:

- სასწავლო პროგრამის თავისუფალი შერჩევის უფლებას;
- ძირითადი სპეციალობის საბაზისო კურსების დაუფლებას;
- პროგრამით გათვალისწინებული საფაკულტეტო და არჩევითი კურსების შესწავლას;
- არანაკლებ ერთი უცხო ენის შესწავლას უცხოელებთან თავისუფალი კომუნიკაციის დონეზე;
- წერითი და ვერბალური კომუნიკაციის უნარ-ჩვევების შექმნას;
- დამატებით (minor) სპეციალობის დაუფლებას;
- საბაკალავრო ნაშრომის შესრულებას;
- სასწავლო-პროფესიული პრაქტიკის გავლას და პროფესიული გამოცდილების მიღებას.

პროგრამა იძლევა ეკონომიკის სფეროში მოდერნიზაციისა და საერთაშორისო ბაზარზე კონკურენტუნარიან სპეციალისტად ჩამოყალიბებისათვის საჭირო თეორიული ცოდნისა და პრაგმატულად ორიენტირებული გამოცდილების მიღების შესაძლებლობას. პროგრამაში მთავარი ყურადღება ექცევა თეორიული და სპეციალური ცოდნის სინთეზს, კონკრეტული ეკონომიკური ანალიზის ჩვენების გამომუშავებას.

- **აქტუალურობა.**

“ეკონომიკის“ საბაკალავრო პროგრამით სპეციალისტთა მომზადების აქტუალურობა განპირობებულია საქართველოს საბაზრო ურთიერთობათა დამყარებით, რომელმაც ქვეყნის ეკონომიკაში კარდინალური ცვლილებები შეიტანა. საქართველო ღია ეკონომიკის გზას დაადგა, ხოლო გლობალურ ეკონომიკურ გარემოში საქმიანობამ კი ეკონომიკის ცოდნაზე განსაკუთრებული მოთხოვნა წარმოშვა. “ეკონომიკის“ სპეციალობა სუვერენული სახელმწიფოს ეკონომიკური ზრდისა და ეფექტიანობის ამაღლების შესაძლებლობას იძლევა. საბაკალავრო პროგრამა ეკონომიკის თანამედროვე თეორიასა და პრაქტიკას ეფუძნება.

ივანე ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტს აქვს ეკონომიკის სფეროებისათვის სპეციალისტთა მომზადების მრავალწლიანი გამოცდილება და, შესაბამისად, შესწევს უნარი უზრუნველყოს მათი მომზადება საერთაშორისო მოთხოვნების შესაბამისად.

- **პრაქტიკა.** სტუდენტები პრაქტიკას გაივლიან საქართველოს პრეზიდენტის ადმინისტრაციაში, საქართველოს პარლამენტის აპარატსა და სხვადასხვა სამინისტროების სტრუქტურებში, ბანკებში, ეროვნულ და საერთაშორისო ფირმებში. თვითდაფინანსების საფუძველზე შესაძლებელია უცხოეთში სტაჟირება.

- **სწავლის შედეგი.**

ეკონომიკის ბაკალავრის ხარისხი ენიჭებათ სტუდენტებს, რომლებსაც გააჩნიათ ზოგადი/ტრანსფერული და ცოდნის გამოყენების პრაქტიკული უნარები, გააზრებული და გაცნობიერებული აქვთ ცოდნის ყველა ასპექტი შემდეგი მიმართულებებით:

### **ცოდნა და გაცნობიერება**

- ✓ გააჩნიათ საბაზისო ცოდნა ფუნდამენტურ და სპეციალურ ეკონომიკურ დისციპლინებში, შეუძლიათ ამ ცოდნის ინტეგრირება ეკონომიკის თანამედროვე პრინციპებისა და მეთოდების გამოყენებით;
- ✓ გაცნობიერებული აქვთ საბაზრო ეკონომიკის ფუნქციონირების მექანიზმი, შესწავლილი აქვთ საბაზრო ეკონომიკის ფუნქციონირების კანონზომიერებები მიკრო-, მაკრო- და საერთაშორისო დონეებზე;
- ✓ ფლობენ ეკონომიკაში აუცილებელ რაოდენობრივ და სტატისტიკურ მეთოდებს;
- ✓ გაცნობიერებული აქვთ ეკონომიკაში არსებული ფაქტები და მოვლენები, თანამედროვე ეკონომიკური პროცესები და კანონზომიერებები;
- ✓ ფლობენ ეკონომიკური, სავაჭრო, ფულად-საკრედიტო და სავალუტო პოლიტიკის ფორმირების ძირითად პრინციპებსა და მეთოდებს;

- ✓ აცნობიერებენ გლობალური ეკონომიკის ფორმირების პირობებსა და ძირითად კანონზომიერებებს, მის დადებით და უარყოფით მხარეებს;
- ✓ გაცნობიერებული აქვთ ეკონომიკური ზრდის პრობლემები და შესაძლებლობები;
- ✓ აქვთ ისეთი ცოდნა და უნარ-ჩვევები, რომელიც მაგისტრატურაში სწავლის გაგრძელების საშუალებას იძლევა.

## ცოდნის პრაქტიკაში გამოყენება/პრაქტიკული უნარები

- ✓ გააჩნიათ ანალიტიკური და ლოგიკური აზროვნების უნარ-ჩვევები;
- ✓ გააჩნიათ ეკონომიკური მოვლენებისა და ტენდენციების ანალიზის, მიღებული შედეგების შეჯერებისა და სინთეზის, განზოგადებული დასკვნების გაკეთებისა და გადაწყვეტილების მიღების უნარი და კომპეტენცია;
- ✓ შეუძლიათ ეკონომიკური მოვლენების პროგნოზირება;
- ✓ შეუძლიათ ფინანსური და სხვა სააღრიცხვო მონაცემების დამუშავება, დანახარჯების ანალიზი და ოპტიმიზაცია;
- ✓ გააჩნიათ ეკონომიკის სფეროს შესაბამისი სპეციალური კომპეტენცია, კრეატიული და ინოვაციური საქმიანობის უნარ-ჩვევები;
- ✓ გააჩნიათ ეკონომიკური პრობლემების ანალიტიკური კვლევისა და ეფექტიანი ეკონომიკური გადაწყვეტილების მიღების უნარ-ჩვევები;
- ✓ შეუძლიათ დინამიკურ ეკონომიკურ კონიუნქტურასთან ადაპტაცია;
- ✓ შეუძლიათ თავიანთი დასკვნების საჯარო წარმოდგენა, მათი მკაფიო დასაბუთება შესაბამისი ცოდნითა და ლოგიკით როგორც სპეციალისტებთან, ისე არასპეციალისტებთან.

## 2. ზოგადი/ტრანსფერული უნარები

- ✓ **კოგნიტური უნარები:** აქვთ ეკონომიკის ძირითადი იდეებისა და აზრების გაგებისა და მანიპულირების შესაძლებლობა, ანალიზისა და სინთეზის უნარი;
- ✓ **ტექნოლოგიური უნარები:** აქვთ ტექნოლოგიური მოწყობილობების, კომპიუტერული ტექნიკის გამოყენებისა და ინფორმაციის მენეჯმენტის უნარი, სხვადასხვა წყაროებიდან ინფორმაციის მიღების, დამუშავებისა და ანალიზის უნარი;
- ✓ **სოციალური უნარები:** აქვთ პოლიტიკური, ეკონომიკური და ინტერპერსონალური ურთიერთობების, ჯგუფური მუშაობის, სოციალური და ეთიკური პასუხისმგებლობის უნარი;
- ✓ **ლინგვისტური უნარები:** შეუძლიათ ზეპირი და წერილობითი კომუნიკაცია მშობლიურ და უცხო ენებზე.

### • დასაქმების სფეროები.

ბაკალავრიატის კურსდამთავრებულს შეუძლია იმუშაოს ეკონომისტად და დაიკავოს ქვედა და საშუალო დონის ეკონომისტ-კონსულტანტის, ან ანალიტიკოსის თანამდებობა სახელმწიფო და ბიზნეს-სტრუქტურებში. მისი საქმიანობა დაკავშირებულია ეკონომიკისა და ბიზნესის ნებისმიერ სფეროსთან. კერძოდ კი კურსდამთავრებულის დასაქმების სფეროებია:

- საქართველოს პრეზიდენტის ადმინისტრაცია, საქართველოს პარლამენტის აპარატი და სამთავრობო სტრუქტურები;
- საერთაშორისო ორგანიზაციების სტრუქტურები;

- ნებისმიერი სფეროსა და საკუთრების საწარმოები და ფირმები;
- ბანკები და სხვა ფინანსური დაწესებულებები;
- სასაქონლო, საფონდო და სავალუტო ბირჟები;
- არასამთავრობო დაწესებულებები და ყველა ის ორგანიზაცია, რომელიც ეკონომიკურ საქმიანობასთანაა დაკავშირებული.

**სწავლის გაგრძელების შესაძლებლობა**

ეკონომიკის სპეციალობის ბაკალავრიატის კურსდამთავრებული მომზადებულია ეკონომიკისა და ბიზნესის ფაკულტეტის ნებისმიერ სპეციალობაზე, აგრეთვე მომიჯნავე სპეციალობებზე მაგისტრატურაში სწავლის გასაგრძელებლად.

**5. საბაკალავრო პროგრამაზე მიღების წინაპირობები.** საბაკალავრო პროგრამის სტუდენტი შეიძლება გახდეს სრული საშუალო განათლების მქონე პირი. კონკურსანტი აბარებს მისაღებ გამოცდებს ეროვნულ საგამოცდო ცენტრში საკონსურსო საგამოცდო პროგრამის მოცულობით.

**6. საბაკალავრო პროგრამის სტრუქტურა**

საბაკალავრო პროგრამის ხანგრძლივობაა 4 აკადემიური წელი (8 სემესტრი) – 240 ECTS კრედიტი. ერთი სემესტრის ხანგრძლივობა შეადგენს 15 კვირას. ერთი კრედიტი უტოლდება 25 საათს, რომელიც ფარავს როგორც სააუდიტორიო, ისე დამოუკიდებელ მუშაობას. ამასთან, სააუდიტორიო მუშაობა შეადგენს დატვირთვის დაახლოებით 40%-ს, ხოლო 60% – დამოუკიდებელი მუშაობის წილად მოდის.

ეკონომიკის ბაკალავრი, ძირითადი სპეციალობის (major) გარდა, ვალდებულია დაეუფლოს დამატებით (minor) სპეციალობას მომიჯნავე სპეციალობაში ეკონომიკისა და ბიზნესის ფაკულტეტის საზღვრებში. სტუდენტს დამატებით (minor) სპეციალობად შეუძლია აირჩიოს სხვა ფაკულტეტების მონათესავე სპეციალობებიც. ამ შემთხვევაში კურიკულუმში წარმოდგენილი დამატებითი (minor) სპეციალობის საგნები შეიცვლება სხვა ფაკულტეტების მიერ დამატებით (minor) სპეციალობად შემოთავაზებული საგნებით.

**240 კრედიტი შემდგენილად ნაწილდება:**

- 120 კრედიტი ნაწილდება ძირითად (major) სპეციალობაზე (მათ შორის 5 კრედიტი გათვალისწინებულია პრაქტიკისა და 10 კრედიტი საბაკალავრო ნაშრომისათვის);
- 60 კრედიტი – დამატებით (minor) სპეციალობაზე;
- 50 კრედიტი – საფაკულტეტო კურიკულუმზე;
- 10 კრედიტი – საუნივერსიტეტო კურსებზე.

კრედიტების ყოველწლიური რაოდენობა არის 60 .

**კურიკულუმი სასწავლო დისციპლინათა 5 კატეგორიას მოიცავს:**

- სავალდებულო საფაკულტეტო კურსები;
- საუნივერსიტეტო არჩევითი კურსები;
- სპეციალობის სავალდებულო კურსები;
- სპეციალობის არჩევითი მოდულების კურსები;
- მეორე (minor) სპეციალობის კურსები.

სპეციალობის არჩევითი მოდულების კურსები გათვალისწინებულია VI-VIII სემესტრებში. VI სემესტრში სტუდენტი შემოთავაზებული არჩევითი მოდულებიდან

ირჩევს ერთ-ერთს და 3 სემესტრის განმავლობაში ამ მოდულში იღებს გაღმავებულ სპეციალიზებულ ცოდნას.

ეკონომიკის პროგრამის სტრუქტურა წარმოდგენილია შემდეგი სახით:

№	დისციპლინის დასახელება	კრედიტები	კრედიტების განაწილება კურსებისა და სემესტრების მიხედვით								
			I კურსი		II კურსი		III კურსი		IV კურსი		
			I	II	III	IV	V	VI	VI I	VIII	
<b>საფაკულტეტო დისციპლინები</b>		<b>50</b>	<b>20</b>	<b>15</b>	<b>15</b>						
1	ეკონომიკის პრინციპები	10	5	5							
2	კალკულუსი	10	10								
3	აღბათობის თეორია და მათემატიკური სტატისტიკა	5		5							
4	სტატისტიკა ეკონომიკისა და ბიზნესისათვის	5			5						
5	ბუღალტერიის საფუძვლები	5			5						
6	შესავალი ინფორმატიკაში	5	5								
7	უცხო ენა	10		5	5						
<b>თავისუფალი კრედიტების არჩევითი საგნები</b>		<b>10</b>		<b>5</b>		<b>5</b>					
1	აკადემიური წერა	5		5							
2	სტუდენტს შეუძლია აირჩიოს ნებისმიერი ფაკულტეტის ნებისმიერი საგანი	5				5					
<b>ძირითადი სპეციალობის სავალდებულო საგნები (Major)</b>		<b>85</b>			<b>5</b>	<b>15</b>	<b>20</b>	<b>15</b>	<b>15</b>	<b>15</b>	
1	მიკროეკონომიკა	10			5	5					
2	მაკროეკონომიკა	10				5	5				
3	ეკონომეტრიკა	5				5					
4	ეროვნული ანგარიშების სისტემა	5					5				
5	შრომის ეკონომიკა	5						5			
6	საერთაშორისო ეკონომიკა	10					5	5			
7	ეკონომიკური პოლიტიკა	10							5	5	
8	ეკონომიკური ანალიზი	5					5				
9	საჯარო ფინანსები	5						5			

10	ეკონომიკური აზრის ისტორია	5							5	
11	პრაქტიკა	5							5	
12	საბაკალავრო ნაშრომი	10								10
<i>ძირითადი სპეციალობის არჩევითი კურსები და მოდულები</i>		<i>35</i>	<i>10</i>	<i>10</i>				<i>5</i>	<i>5</i>	<i>5</i>
1	1. მსოფლიო ეკონომიკა	5	5							
	2. ბიზნესის ეთიკა	5	5							
2	1. საქართველოს ეკონომიკა	5		5						
	2. შესავალი მასპინძლობის ინდუსტრიაში	5		5						
	3. ხალხთმოსახლეობის ეკონომიკა და დემოგრაფიის საფუძვლები	5		5						
	4. ეკონომიკის ისტორია	5		5						
3	მოდული 1. ეკონომიკური თეორია	15						5	5	5
4	მოდული 2. მიკროეკონომიკა	15						5	5	5
5	მოდული 3. მაკროეკონომიკა	15						5	5	5
6	მოდული 4. საერთაშორისო ეკონომიკური ურთიერთობები	15						5	5	5
7	მოდული 5. ეკონომიკური პოლიტიკა	15						5	5	5
8	მოდული 6. შრომის ეკონომიკა	15						5	5	5
9	მოდული 7. ეკონომეტრიკა და მათემატიკური ეკონომიკა	15						5	5	5
10	მოდული 8. ეკონომიკური სტატისტიკა	15						5	5	5
<i>მეორე სპეციალობის საგნები (Minor)</i>		<i>60</i>			<i>10</i>	<i>10</i>	<i>10</i>	<i>10</i>	<i>10</i>	<i>10</i>
1	ბიზნესის საფუძვლები	10			5	5				
2	მენეჯმენტის საფუძვლები	5			5					
3	ადამიანური რესურსების მენეჯმენტი	5					5			
4	სტრატეგიული მენეჯმენტი	5						5		
5	მარკეტინგი	10							5	5

6	ფინანსური აღრიცხვა	10				5			
7	მმართველობითი აღრიცხვა	5							5
8	კორპორაციის ფინანსები	10					5	5	
9	ფული, ინვესტიციები და საბანკო საქმე	5				5			
	<b>სულ:</b>	<b>240</b>	<b>30</b>	<b>30</b>	<b>30</b>	<b>30</b>	<b>30</b>	<b>30</b>	<b>30</b>

**მატირიალურ-ტექნიკური ბაზა.** სასწავლო პროცესისათვის გამოიყენება თსუ X კორპუსის აუდიტორიები, ეკონომიკისა და ბიზნესის ფაკულტეტის კომპიუტერული ბაზა, ბიბლიოთეკა და ინვენტარი. ინტერნეტში ჩართული და ტრადიციული პროგრამების პაკეტით აღჭურვილი უახლესი კომპიუტერული კლასები სტუდენტებს მისცემენ საჭირო ინფორმაციის მოპოვებისა და ელექტრონული ბიბლიოთეკით სარგებლობის შესაძლებლობას. გარდა ამისა, სტუდენტებისათვის ხელმისაწვდომი იქნება ელ-ფოსტა, რომლის მეშვეობით მათ ექნებათ მჭიდრო კავშირი ლექტორებსა და ტუტორებთან.

**შენიშვნა:** VI სემესტრიდან მოდულის საგნების შერჩევა მოხდება მოცემული ჩამონათვალის მიხედვით 15 კრედიტის ფარგლებში.

**მოდული 1. ეკონომიკური თეორია**

- განვითარების ეკონომიკა 10 კრ;
- გლობალური ეკონომიკა 5 კრ;
- თანამედროვე ეკონომიკური თეორიები 5 კრ;
- ინსტიტუციური ეკონომიკა 5 კრ.

**მოდული 2. მიკროეკონომიკა;**

- მენეჯერული ეკონომიკა 10 კრ;
- ფირმის ეკონომიკა 5 კრ;
- დარგობრივი ბაზრების ეკონომიკა 10 კრ.

**მოდული 3. მაკროეკონომიკა**

- მაკროეკონომიკური პოლიტიკა 5კრ;
- საზოგადოებრივი სექტორის ეკონომიკა 5 კრ;
- ეკონომიკური განვითარება 5 კრ;
- მაკროეკონომიკური პროგნოზირება 5 კრ;
- სახელმწიფოს ანტიკრიზისული მართვა 5 კრ;

**მოდული 4. საერთაშორისო ეკონომიკური ურთიერთობები**

- მსოფლიო ეკონომიკა 5 კრ;
- საერთაშორისო გარიგებები და ეკონომიკური დიპლომატია 5 კრ;
- ტნკ და საერთაშორისო ინტეგრაცია 5 კრ;

- ხალხთმოსახლეობებს პრობლემები და მსოფლიო განვითარება 5 კრ;
- მსოფლიო ბაზრის გლობალიზაცია 5 კრ.

მოდული 5. ეკონომიკური პოლიტიკა

- კონკურენციული უპირატესობის მიღწევის პოლიტიკა 5 კრ;
- ეროვნული ეკონომიკური პოლიტიკა 5 კრ;
- ეკონომიკური წესრიგის პოლიტიკა 10 კრ;
- სოციალური პოლიტიკა 5 კრ.

მოდული 6. შრომის ეკონომიკა

- მოსახლეობის ეკონომიკა 5 კრ;
- შრომის ანაზღაურების ორგანიზაცია და რეგულირება 10 კრ;
- შრომის ბაზარი და მიგრაცია 5 კრ;
- შრომის სოციოლოგია 5 კრ.

მოდული 7. ეკონომეტრიკა და მათემატიკური ეკონომიკა

- მათემატიკა – 2 5 კრ;
- ოპერაციათა გამოკვლევა 10 კრ;
- მათემატიკური მოდელირება ეკონომიკაში 10 კრ.

მოდული 8. ეკონომიკური სტატისტიკა

- საფინანსო საბანკო სტატისტიკა 5 კრ;
- სოციალური სტატისტიკა 5 კრ;
- ტურიზმის სტატისტიკა 5 კრ;
- საერთაშორისო სტატისტიკა 5 კრ;
- სტატისტიკური პროგნოზირება ეკონომიკასა და ბიზნესში 5 კრ.